

龍藏

此土著述

普為出資及讀誦受持
輾轉流通者回向偈曰
願此功德 回向有情
消除業障 增崇福祉
家門清吉 身心安寧
生入聖域 沒往西方
先亡祖妣 歷劫怨親
俱蒙佛慈 獲本妙心
兵戈永息 禮讓興行
人民安樂 世界和平
四恩總報 三有齊資
法界眾生 同證菩提

This book is for free distribution. It is not for sale. Printed in Taiwan.

公元二〇〇七年八月出版 恭印貳仟套

乾隆大藏經

景印重編
句讀版本

倡印者：淨空法師

印贈者：香港佛陀教育協會

出版者：財團法人桃園縣至善教育事務基金會

地址：桃園縣中壢市過嶺里16之38號

電話：(〇三) 四二〇—七八〇九

傳真：(〇三) 四二〇—七八一三

淨空法師
影音網址
<http://www.budaedu.org.hk>
<http://www.amtb-aus.org>
<http://www.chinkung.org>

E-mail：
amtbhk1@budaedu.org.hk
purelandcollege@iinet.net.au

承印者：世樺國際股份有限公司 (〇二) 二二四六九九二八

ISBN 978-986-83622-0-8

御製

佛光恩照三千大千
恒沙法界普度衆生
身心安泰年時豐稔
日月升恒乾坤清寧
上下樂利中外協和
萬善圓成情與無情
大清雍正十三年四月初八日
隨緣徧滿
悉證菩提
風雨調順
百昌蕃熾
庶物咸亨
同登正覺

第一一四冊目次

諸宗部此土著述

一六四二天童弘覺恣禪師語錄二十卷……………顯權等編……………一、三〇七

一六四三佛說梵網經直解十卷……………明寂光直解……………三〇八、六二〇

梵網經直解弁言……………范景文撰……………三〇八、三〇九

進大寶華山三代律師著述奏章……………福聚奏……………三一〇、三一三

欽定龍藏梵網直解卷帙字號標目……………明戒潤題……………六一九、六二〇

梵網經直解跋並頌……………清讀體集……………六二一、一〇七〇

一六四四毘尼止持會集二十卷……………序……………六二一

凡例……………六二二、六二七

會集(卷一、二)……………六二八、六四七

(一)波羅夷法(卷二、三)……………六四七、六九〇

(二)僧伽婆尸沙法(卷三、五)……………六九〇、七四〇

(三)不定法(卷六)……………七四一、七四四

(四)尼薩耆波逸提法(卷六、九)……………七四五、八二八

(五)波逸提法(卷九、一八)……………八二八、一〇〇一

(六) 波羅提提舍尼法(卷一八)	一〇〇一	一〇〇九
(七) 眾學法(卷一八、二〇)	一〇〇九	一〇五三
(八) 七滅諍法(卷二〇)	一〇五三	一〇七〇

弘覺禪師語錄序

中一

雲棲弟子大周金之俊譔

禪至今日而語錄之弊極矣。少林西來原無文字。瞽谿南邁。迺著壇經。漸有語言。總非色相。厥後宗師代出。接引隨機。或傳心要於單文。或顯尼珠於隻字。提關啓鑰。演無本之家門。挾髓敲筋。施不方之醫藥。天風鼓籟。雖則成音。短蘧無腔。何嘗有曲。語錄之傳。是亦後人之刻舟。求劍學者之指觀月耳。奈何偶落塵詮。遂成習尚。說法者。以爲非錄弗貴。聽法者。以爲無錄非師。梨棗成林。豪毛盡禿。甚至魔民登座。必標叩擊之機緣。狐子白椎。盡號支那之撰述。淺則虎皮羊質。畫依樣之葫蘆。淡則馬角龜毛。駕脫空之鬼魅。向枯樁而尋兔。指岐

路以覓驢。杜譔雷同。支離影響。忝宗門之話柄。壞初祖之家風。以斯爲禪。何如無語。以是爲語。何如無錄。不有真師一詔。孰遏埜狐亂鳴。此弘覺禪師之語錄。所以不可已也。禪師栽松宿世。折竹今生。早服儒冠。窺孔顏之樂。處中容。心要洞佛祖之禪源。紹法天童。密雲重布。揚容古路。法雨徧施。提令正。而萬國從風。當機圓而諸天頽首。我

世祖先皇帝金輪御世。慧日中天。訪道覺民。不憚崆峒之拜。求人善世。寧惟功德之諮。特屏
萬機

親發十問。如鍼入芥。似乳投酥。覺寶山開。徽文電。擢馬駒騰高足。每承龍象。褒揚貌

座。顯真王迴異澤。狂威德。是以綱維三界。震動十方。臨濟中興徑山再世。棒頭有眼。爍開障日之翳雲。口角藏鋒。截斷迷津之罣網。鏡妖而窮。摻萬孔。衛道而罔避。棘藪。三要三玄。指歸有在。五宗五葉。滙合斯真。夫以言止言。則妄言者廢。以錄正錄。斯僭錄者銷。茲帙之刻。非沃沸之水。泉息喧之毒鼓哉。某染指大槩。係心宗鏡。慨正法之衰濫。仰振起之得人。目擊道存。意消言下。趙閱道。偶然撞彩。遇佛慧而開頂門。裴居士。當下知音。禮運師而空心蘊。平陽箭過。始覺鋒寒。良馬鞭垂。方知影痛。須識千機萬句。不是吾師。脣吻邊事。便疑家書。戶刺未免。世間門面中語矣。斯錄具在天何言哉。

天童弘覺恣禪師語錄序

皆有客問張安道。孔孟以後誰爲命。世聖賢安道。歷舉南嶽馬祖諸師。謂儒門澹泊收拾不住。無盡居士聞之。拊几擊節。歎爲達人高論。余嘗逆溯嵩少。自華分五葉以來。若牛頭融。若丹霞然。若風穴之魁。奇慈明之雋。拔夏若佛果之有覺。華嚴妙喜之有西禪。需皆以書生問道方外。舍縫掖而方袍弃。選官而選佛。其初旣已對儒林幟。折羣彥角。後乃痛念生死慷慨落髮。徧參哲匠。紹續祖燈。安道之語斯焉。並信。夫宣聖以菩薩地爲世間師。內祕外見。隱實施權。故所示言教微開其端。引而不發。至大雄法道。廣被眞丹。乃鳴厥本懷。初祖汎海而來的示心宗要。復盡底掀翻。直說直用。而如來出世大事因緣。始無遺憾。故

當世精奇特達之士。罔不歸宿於此。如水投巨壑。萬派聲消。而我儒宗末流。習爲訓詁。漢宋諸賢。各守師說。麤者徒箋象數。精者復耽理解。先聖深意。泯闕不傳。沿及近世。則敲弄詞華。竟爲貿易青紫之具。此高人傑士。所以鄙弃而不欲道也。山翁大師。以嶺嶠英儒。頓拔世網。最初發心。已超狀。有將相不爲之概。而討論章句。纏綿理解之習。亦已破其藩壁。而弃其筌蹄矣。金鱗躍漢天馬追風。信非儒門所能收拾者。是以一出而鬚髮。開先服勤。太白洎入塵。垂手接物。利生沛爾。言滿天下。道數江湖盛德。高行人稱黃巖古佛。卽遊戲翰墨。亦一代宗工。直與明教寂音並驅爭先。至於據本分一著。號令人天指麾佛祖。如茲錄之。豹露一斑者。有時韻出青霄。有時鼓撾

塗毒。有時山窮水盡。別轉旂槍。有時電卷風馳。斬新日月。師王哮吼。香象失威。到此若佛若儒。總是崖州萬里。說禪說道。並須到退三千。就使黃面老子。碧眼胡僧。尚且收拾不住。何獨儒門云爾哉。冰菴道人與麼塗污。亦是平地骨堆。無風起浪。啐老漢痛棒。有分。諸方鐵額銅頭。更當別具眼。始得。鹿城門弟子張立廉拜題

天童弘覺恣禪師語錄序

駿佳初閱禪籍。見從上諸祖。每以法器爲重。默識而預期之。竊疑曰。此事阿誰無分奚。問器爲及觀諸大老。如丹霞以應舉選官。大洪以垂髫上第。正覺以進士馳聲。而曹山慈明晦堂佛果。皆以書生擅名當世。又如汾陽圓通。白雲華嚴。靈源佛印。或童穉神智。或博極

羣籍。或翰墨精妙。是皆能立譚取卿相者。而實絡雖美。象王弗顧。金籠誠艷。鵬翅弗貪。此其器固有超越於卿相之上者矣。所以入此宗門。氣吞佛祖。漚眎大千。曾區區之毀譽得失。利養名聞。足以稍嬰其念乎。古人泐罷之說。狀後信其不誣矣。駿佳於近代。得山翁大師焉。師髫髻譽望。頗矚公輔。乃季踰志學。卽弃掌中之富貴。室家完美。頓斷干劫之愛纏。此非所謂器越卿相之上。與丹霞諸公把臂於九天之際者乎。是以嚴霜震雷。如黃檗師登其堂。吞佛殺祖。如天童師入其室。駿久遊天童。老人門下。每從衆中。一望見輒神聳意肅。曰。古所謂泐罷者。非斯人歟。殆老人化公師繼其席。宗風大振。衲子奔湊。一時叢林公論。謂事事追蹤。古人真足。師範人天。而雅量

厚德。不可殫述焉。泐罷之足重。不於此益徵哉。佛果有云。吾禪如大海。必以大海受之。正此意也。雖狀駿有進焉。今之以池沼受海水者。不足道矣。苟以江河受海水者。是僅得師說之一二。而不能具體者也。卽以大海受大海者。猶是智與師齊減。師半德者也。惟更有廣於大海者。以受之。乃謂之智過於師。方堪傳受。蓋必授受之際。恆有餘地存焉。乃能通權達變。善繼善述。以成克家之子。如其不然。洞山所謂全肯則孤負先師太矣。駿佳觀老人直截貞實。斬盡支葉。師固得其旨矣。狀古人懸密之機用。立與之綱宗。又不啻如寶鏡當臺。胡漢俱見也。老人氣宇如王。上下獨尊。師固繼其道矣。狀虛懷推潛德之同參。坦衷埽濟洞之町畦。又不啻如惠風披拂。徧界

皆春也。老人不辭筆削之勞。以衛道不避好
辨之迹。以荷泐門師固已擔其任矣。猷謗書
絕不寓目。筆舌化於無諍。又不啻如水天一
碧。浪靜風恬也。是正所謂善繼也。善述也。爲
天童克家之子也。苟非其器。寬有餘地。則必
守師說不知變。猶之飽餐珍味。不能化孰知
珍味之能殺人哉。具參方眼者。請讀大師語
錄。則自知之誠無俟。駿之贅也。平原傭祁駿
佳拜題

詔書

皇帝敕諭。朕惟善政導民。期適蕩平之路。仁
風扇物。統歸化育之中。仰千聖之徽猷。邇
百王之遺軌。理無分於三教。道豈外於一
心故。佛演法門。立闡揚之大旨。祖標禪理

示默契之真宗。皆所以迴脫疑情。頓開覺
性。惟曹谿之一脈。儼難足之上乘。暨臨濟
之三玄。允象王之泐乳。慧雨普施於一切。
宗風常勝於五燈。緣衍泐之獨隆。斯傳衣
之最衆。朕撫臨寰宇。心切牖民。期與四海
蒼生共臻覺路。必使明心而見性。方能易
惡而至中。時覽經文問。常參究續圓頓交
融之旨。必行解相應之人。聞爾禪僧道忞
臨濟正傳宗門。法毘戒行清峻不染。六欲
之塵道眼圓明。能空四諦之妄風。規早著
解脫有季。憫結習之牽纏。揭單傳之要渺。
是用特遣僧錄司右闡教淨行。禪僧泐璽
齋敕。并往召爾來京。欲闡玄風。竚聞高論。
爾其洗益就道。持錫遄征。無耽溪隱之清
用。慰遠延之切。於戲弘宣大道。復淳古之

休風廣度迷情。躋含生於壽域。欽承朕命
式貴爾宗欽哉。故諭

順治十六年閏三月 日

敕書

皇帝敕諭。朕惟佛會。拈華妙心。傳於迦葉。禪
行面壁宗旨。付於神光。六葉既敷。千華競
秀。蔭沍雲於真際火宅。晨涼耀慧日於康
衢。重昏夜曉。以至瞋目揚眉。擎拳舉指。類
皆合宗門之妙諦。得教外之靈機。誠非他
學可知。亦豈意生所及。眷言道行薰覲高
蹤。實悟真如。必先立覺。咨爾禪僧道志。嗣
沍天童傳宗臨濟。克證無生之旨。機自圓
明。允通向上之關。悟稱諦當。朕爰稽載籍。
祈會性真間。覽立文深嘉妙義故。時於聽
政之暇。詢爾以沍道之微。迺名言之不繁。

克隨機而得解。立關幽鍵。感即能通。遙源
濬波酌之不竭。傳一燈於種智。了萬沍於
真空。廣量出於凡心。元明踰於宿學。引之
於有高謝四流。推之於無俯弘六度。信乎
凡之可以證聖洵哉。惟覺所以悟迷非同。
測海窺天固以登堂入室。堪主沍門之席。
允稱禪衆之尊。是用封爾爲弘覺禪師。錫
之。敕印於戲慈周萬有大身。徧於十方利
濟四生。本覺超乎三世。俾舉代咸登仁壽
之域。在隨方而啓般若之門。其益懋爾勤
修庶弘開。夫正梵式承嘉命。丕闡宗風。欽
哉。故諭

順治十七年四月 日

贊

憶自黃巖。嗣席天童。踞先覺堂。卓卓孤峰。楞

以楔出毒。以毒攻蛇。吞鼈鼻。虎齧大蟲。正令全提。孰敢嬰鋒。出語成詠。百折不窮。佛果衙官。大慧附庸。糠粃之導。往來愚衷。國難以來。蹤跡西東。兄遊天外。余戲園中。世出世間。皆大英雄。不負先師。舊衲蒙茸。耆毛結共。鼻孔氣通。暫谿正脈。臨濟真宗。是水上座。亦號山翁。

泐弟通表黃毓祺頓首贊

天童開堂疏

恭惟天童堂頭山翁大和尚。出身東粵。異暫谿之目。不識丁奮迹。儒衣勝丹霞之語。猶帶腐頰。從人望嗣。主天童點末。後光明炤地。炤天千丈。泐幢高豎。了見成公案。打風打雨。一條拄杖。橫拈時。屈仲春月。維望日向者。娑羅雙對。俄成古佛。儼狀示見。雙趺茲焉。太白孤峰。聿布新條。豈曰浪鳴孤掌。敬拂寶華王座。

佇聆塗毒鼓聲。績等曷勝。翹跂之至。崇禎十六年二月十五日。兵部職方司。郎中孫嘉績。右率寧紹蘇常四郡護泐士紳等七十三人。全疏。

同門疏

伏以嶺南無佛性。三十五葉衣。孟恰值乎其人。濟北捋虎。須七百餘年。戈甲重新於此日。先和尚坐通立峰頂。密雲彌布大千新堂。頭入太白院中。一雨普滋羣品。破沙盆。赤手扶起奚啻。密菴傑之繼應。菴華木上座。劈面提持不數東岳日之。承西岳慧祺衣裳。異色根本同條。雖難比三聖瞎驢。撩寶壽之瞋點。破鎮州人眼。猶庶幾郭家俗漢。酬白雲之乳。敬拈五祖爐香。所願恆順。輿情不虛來請。泐王登泐座。宸中奉斬新之敕。寧假五帝三王。師

子踞師牀天外。咍無畏之音。盡埽千妖百怪。
頂門著楔。掀翻先覺堂。從上古錐。嚙後加錐。
烹煨震旦國。見煎英物謹疏。崇禎十六季二
月十五日毗陵江上黃毓祺疏

大能仁開堂疏

伏以嵩山金秀於驚嶺。五葉敷一乘之華。濟
流逆遡於曹源。一喝破三玄之奧。宗風爰來
於漠北大法。尤振於嶺南。後五百而重逢。實
千載之希邁。恭惟山翁大和尚。迹踵庾嶺。乳
滴曹谿。德光耀舍那之身。戒香馥毗盧之頂。
飽黃檗之藥味。殺活同時。秉太白之金鋒。外
魔惡膽。唯此能仁古刹。首稱於越。名藍四水。
檢環百晦。圭尊臥龍。北拱吐戒珠而呈祥。文
雉南翔投寶林以獻瑞。茲當久廢而復建。須
仗大人之宏規。幸霽錫飛出天台。悵慈航頻

臨越水。從此烹煉凡聖。洗陽燄之青黃。號令
人天。加蜃樓。以梁棟倚天。慧劍埜狐。莫犯吹
毛布地。紅輪陰霾立消。見。現電光中。主賓互
換。龍象未免。迷津鋒刃上。炤用。同施佛祖。亦
須乞命。元寵等碑。慚白字道媿。青松散分香
芋之齋。冀醒牡丹之夢。真儀有象呼來。壁上
高僧。法句驚人。喚出。餅中。鶻子。則麈尾揮魯
陽之戟。明返崦嵫。而師音咍奮地之雷。春回
沙界矣。

順治六年十月十五日越州魯元寵等疏
道場山開堂疏

伏以虎窟山深。歲久腥風。猶觸鼻龍池澤遠。
春三雷雨。恰當頭。剝腐爛。葛藤鐘在縣而扣。
隨大小提斬。新正令。着挂劍而血濺。梵天山。
霽攝戒皈心祖席。整開生面。恭惟山翁大和

尚猊座下。嶺南佛種濟北宗風。脫樊籠。謝八股六經。丈夫事。匪將相。能爲趨上乘。度四生。九類老婆心。爲含生。微困授法印。於密雲之室。人驚師。詎擦珍珠於布水之臺戶。頌迦音。固已合。霧蠹以能仁。徧遐邇。而廣潤。何止金水流其異味。涼風襲於摩提而已哉。睠茲南麓。實古道場。天荒石破。於唐季。薪盡火傳。於歷代。星移物換。鼓寂鐘沈。翠微岳石空遺。聽法之蹤。瑤席清波。猶記坐禪之景。今則地萌芝艸。天命羶羊。兆大沚之中興。佇眞人之至止。煖等暖姝。末學款啓。凡夫情逐境而成緣。徘徊火宅。事與理而俱障。偏仄迷方。雖窺天之管間。依稀炎景之中。狀埵井之壘。終望洋涯涘之外。詎曲士不可語。於道在先生將善移我情。伏願江海無擇細流。樓閣頓還舊觀。

千季暗室。先生一炬之紅。一夜春風。香散千林之錦。彩雲景裏。休將羅扇頻遮。多子增卉。再見金欄圍繞。布髮掩泥。慶際優曇之瑞。揚睂瞋目。快吞栗棘之蓬。異口同音。引領合掌。

謹啓

順治八年二月廿一日吳興費景煊等疏

天童弘覺恣禪師語錄目錄

序 三

詔書

勅書

贊

開堂疏 四

第一卷

住明州太白山天童禪寺語錄

第二卷

住明州太白山天童禪寺語錄

第三卷

住明州太白山天童禪寺語錄

第四卷

住慈谿五磊山靈峰禪寺語錄

住越州雲門寺語錄

第五卷

住台州廣潤禪寺語錄

第六卷

住台州廣潤禪寺語錄

第七卷

住越州大能仁寺語錄

第八卷

住湖州道場山護聖萬壽禪寺語錄

第九卷

住青州大覺禪寺語錄

第十卷

住青州大覺禪寺語錄

第十一卷

再住明州天童山弘汾禪寺語錄

第十二卷

廣錄

法語

第十三卷

示衆垂代

因事垂代

第十四卷

舉古垂代

第十五卷

對衆機緣

第十六卷

頌古

第十七卷

贊

第十八卷

偈

第十九卷

佛事

小佛事

第二十卷

小佛事

雜著

御札